

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



Chanzunettas, per e cun uffants

Dominique Huber dad Otelfingen/Turritg emprenda d'ecoscher chanzuns rumantschas d'uffants. **Pagina 9**



Abitaziuns pajablas en Engiadin'Ota?

Angelo Andina davart la vendita totala dals cumins da muntogna – L'ultima part da la seria «Satira tira». **Pagina 11**

FMR FONDAZIUN MEDIAS RUMANTSCHAS

südostschweiz

ENGIADINA

Davart tensiuns tanter giuven e vegl

In lündeschdi han cumanzà ils cuors e referats da la Chasa Fliana a Lavin cun ün referat cul titel «Relaziun tanter las generaziuns». Susanna Oppliger dad Adetswil i'l chantun Turich chi frequainta cun seis hom adüna darcheu las vacanzas a Scuol ha referi davart las tensiuns chi dà adüna darcheu tanter giuven e vegl. Daspö divers ons es ella manadra da cuors. Davo ün on dominà da la pandemia da corona, sainza activitats han ils repunsabels da la Chasa Fliana pudü salüdar quist on var 50 partecipants. Oters ons d'eran quai var 70 persunas. Divers s'han laschats s-chüsar causa chi nu sun vaccinati ed oters perquai da la pandemia dicta amo adüna il minchadi da la gliעד. (fmr/bcs) **Pagina 11**

SURSELVA

Laura Schütz, autora da Falera



La giuvna da 19 onns ha scret in cudisch. FOTO AUGUSTIN BEELI

Publicaziuns romontschas cumparan mintg'on en grond diember. Denter quellas ein pli e pli biars cudischs bilings. Ins vul buca sclauder lecturas e lecturs che san buca romontsch dalla cultura dil quart lungatg naziunal. Demai che la fiera da cudischs dalla Romontschia ei limitada, eis ei savens nunpusseivel da far duas versiuns, pia in cudisch romontsch ed in cudisch tudestg. Laura Schütz da Falera ha elegiu ina fuorma nova en quest connex. «Hotel Destin» ei il tetel dil cudisch che tracta da duas giuvnas che s'entaupan en quei hotel en in liug fictiv el Grischun. Ina tschontscha tudestg da scartira, l'autra romontsch da scartira. Duront la lectura van ins d'in lungatg en tschel. Las protagonistas Luise e Catrina representan la realitad bilinguala. (fmr/abc) **Pagina 5**

GRISCHUN CENTRAL

Avert ils ateliers dals artists

Mirko Baselgia, Rudolf Stüssi e Georg Tannò – Ils trais artists surmirans han avert l'emna passada lur ateliers. Ils visitaders pon uschia guardar sur la spatla als artists cun sedia en Val Alvra. Quai succeda en il rom da l'occorrenza «Open Ateliers» nua che artists da l'entir Grischun avran lur lavuratori per uschia far enconuscent in publicum vast cun art ed artists. Gion Nutegn Stigier ha fatg ina visita tar Baselgia, Stüssi e Tannò. (fmr) **Pagina 10**

Coaz il generalist e secretari dal general

Generalist e giramund cun abilitads multifaras – Uschia è il perscrutader grischun Johann Coaz (1822-1918), il protagonist da l'exposiziun en il Museum retic dal Grischun vegnì numnà a chaschun da l'infurmaziun da las medias. (fmr/mg) **Pagina 2**



FOTO LIVIA MAUERHOFER

«Tgi che vul maridar, sur la saiv sto guardar»

Tge han maridaglias da far cun «specias raras»? – Pagina 3

101 onns Vic Hendry

Igl autor tuatschin Vic Hendry savess festivar uonn siu 101avel anniversari. Clar, pil solit vegn festiva e commemorau il 100avel – mo ord motivs enconuscents ha igl arranschament buca saviu vegnir organisau igl onn 2020.

«Pieder de Pultengia», «Il fegl digl anticrist» ni «Ils Saracens vegnan». Quei ein mo treis tetels dad ina ovra immensa digl autor naschius a Cavorgia igl onn 1920. Historia, cultura,

biografias, studis socio-cultural, romans, diaris – Vic Hendry ei staus universalist trasatras. Ils Tuatschins havessan bugen commemorau il poet igl onn vargäu, tgei ch'ei lu la

fin finala buca stau pusseivel pervia dalla pandemia da corona. Uonn vegn revegniu all'idea dad ina fiasta giubilara, cun in'exposiziun, films e fotografias. (fmr) **Pagina 7**



50043

Servetsch d'abunents e da distribuziun: tel. 0844 226 226 mail: abo@somedia.ch

9 771424 749004